

萬有文庫

第二集七百七種

王雲五主編

史 繹

(十二)

馬驢撰

商務印書館發行

史

繹

(十二)

撰 驢 馬

書 叢 本 基 學 國

萬有文庫

第二集七百種

總編纂者

王雲五

商務印書館發行

釋史卷八十六

先聖年譜

周靈王二十二年魯襄公二十二年庚戌孔子生	二歲	三歲父叔梁紇卒葬于防	四歲	五歲	六歲爲兒戲陳俎豆設禮容	七歲弟子顏無繇生	周景王元年丁巳八歲	九歲	十歲仲由生
魯昭公元年庚申十一	十二漆雕開生	十三	十四有若生	十五志於學	十六閔損生	十七孟孫何忌南宮說往學禮	十八	十九娶宋開官氏	二十子鯉生爲委吏
二十一爲乘田	二十二	二十三	二十四母顏氏卒	二十五	二十六	二十七問禮於郊子學琴於師襄	二十八	二十九	三十冉雍冉求商瞿梁鯉生

三十一. 適齊	高柴. 巫馬施	生. 史記. 顏回	生. 其年不合	四十一. 秦商	陳亢生	五十一. 誅少	正卯. 顏高. 叔仲會. 冉孺. 伯虔. 曹卹生	六十一. 自陳	遷蔡
三十二. 在	齊. 辭. 廩丘	之養. 端木	賜生	四十二.		五十二. 會	夾谷. 攝行	六十二.	
周敬王元年	壬午. 三十三			魯定公元年	壬辰. 四十三	五十三.		六十三. 自蔡	如葉. 將. 適楚. 厄於陳. 蔡之
三十四. 適	周. 問禮. 老	聃. 觀明. 堂	入后. 稷廟	四十四.		五十四. 墮	三都. 公孫	六十四. 在	衛.
三十五. 適	齊.			四十五. 卜	商生	五十五. 年	表. 是年. 適	六十五.	
三十六. 在齊	聞韶.			四十六. 言偃	生	五十六. 世家	云. 是年. 攝相	六十六.	
三十七. 反魯	原憲. 樊須生	家語. 是年有	若生	四十七. 爲中	都宰. 曾參. 顏	五十七. 將適	陳. 園于匡. 反	六十七.	
三十八.				四十八. 爲司	空	魯哀公元年	丁未. 五十八	六十八. 自衛	反魯. 刪詩書.
三十九. 或	云. 是年. 顏	回生. 年三	十二死. 在	四十九. 顓	孫師. 生	五十九. 去	陳. 過蒲. 適	六十九. 子	鯉. 卒.
四十. 澹臺	滅明. 生			五十. 爲司	寇. 宓. 不齊	六十. 在陳	年. 表. 是年	七十. 顏回	卒.

釋史卷八十六

春秋第五十六

孔子類記一

本生

【家語】孔子之先。宋之後也。微子啓。帝乙之元子。紂之庶兄。以圻內諸侯。入爲王卿士。初。武王剋殷。封紂之子武庚於朝歌。使奉湯祀。武王崩。而與管蔡霍三叔作難。周公相成王。東征之。二年。罪人斯得。乃命微子代殷後。作微子之命。申之。與國於宋。徙殷之子孫。唯微子先往事周。故封之。賢微子卒。其弟曰仲思。名衍。嗣微之後。故號微仲。生宋公稽。胄子雖遷爵易位。而班級不及其故者。得以故官爲稱。故二微雖爲宋公。而猶以微之號自終。至於稽。乃稱公焉。宋公生丁公申。申生潛公共及襄公熙。熙生弗父何。及厲公方祀。方祀以下。世爲宋卿。弗父何生宋文周。周生世子勝。勝生正考甫。考甫生孔父嘉。五世親盡。別爲公族。故後以孔爲氏焉。一曰。孔父者。生時所賜號也。是以子孫遂以氏族。孔父生子木金父。金父生睪夷。睪夷生防叔。避華氏之旤而奔魯。防叔生伯夏。伯夏生叔梁紇。雖有九女。而無子。其妾生孟皮。孟皮一字伯尼。有足病。於是乃求婚於顏氏。顏氏有三女。其小曰徵在。顏父問三女曰。陬大夫雖父祖爲士。然其先聖王

之裔。今其人身長十尺。武力絕倫。吾甚貪之。雖年長性嚴。不足爲疑。三子孰能爲之妻。二女莫對。徵在曰。從父所制。將何問焉。父曰。卽爾能矣。遂以妻之。徵在既往。廟見以夫之年大。懼不時有男。而私禱尼丘之山以祈焉。生孔子。故名丘。字仲尼。孔子三歲而叔梁紇卒。葬於防。至十九。娶於宋之亾官氏。一歲而生伯魚。魚之生也。魯昭公以鯉魚賜孔子。榮君之貺。故因以名曰鯉。而字伯魚。年五十。先孔子卒。○按儀禮疏。孔子有兄曰伯則曰仲。

【史記】孔子生魯昌平鄉陬邑。其先宋人也。曰孔防叔。防叔生伯夏。伯夏生叔梁紇。紇與顏氏女野合而生孔子。禱於尼丘。得孔子。魯襄公二十二年而孔子生。生而首上圩頂。故因名曰丘云。字仲尼。姓孔氏。丘生而叔梁紇死。葬於防山。防山在魯東。由是孔子疑其父墓處。母諱之也。○按公羊穀梁二傳。孔子生於襄公蓋以周正十一月屬明年故也。至後云。年七十三。實差一年。前後抵牾。

【公羊傳】襄公二十一年。十有一月庚子。孔子生。（穀梁傳）庚子。孔子生。〔新論〕顏徵感黑帝而生孔子。〔拾遺記〕周靈王立二十一年。孔子生于魯襄公之世。夜有二蒼龍自天而下。來附徵

在之房。因夢而生夫子。有二神女擎香露于空中而來。以沐浴徵在。天帝下奏鈞天之樂。列於顏氏之房。空中有聲。言天感生聖子。故降以和樂笙鏞之音。異於俗世也。又有五老列於徵在之庭。則五星之精也。夫子未生時。有麟吐玉書於闕里人家。文云。水精之子。繼衰周而素王。故二龍繞室。五老降庭。徵在賢明。知爲神異。乃以繡紱繫麟角。信宿而麟夫。相者云。夫子係殷湯水德而素王。至敬王之末。魯定公二十四年。魯人鋤商。田於大澤。得麟。以示夫子。繫角之紱。尙猶在焉。夫子知命之將終。乃抱麟解紱。涕泗滂沱。自麟出之時。及解紱之歲。垂百年矣。○附會。多誣。〔春夏演孔圖〕孔子母顏氏徵在。游大澤之陂。夢黑帝使請已。已往。夢交。語曰。汝乳必於空桑之中。覺則若感。生丘於空桑。首類尼丘山。故以爲名。胸有文曰。制作定世符。○尤荒謬。〔孝經鉤命訣〕仲尼牛脣吐教陳機受度。仲尼虎掌。是謂威射。仲尼海口。言若蒼澤。仲尼舌理七重。〔孝經援神契〕孔子海口含澤。〔白虎通〕孔子反字。是

謂尼甫。丘德澤所興。藏元通流。〔論衡〕
孔子反羽。〔荀子〕仲尼之狀。面如蒙俱。

【史記】孔子爲兒嬉戲常陳俎豆設禮容。

【左傳】昭公七年九月公至自楚孟僖子病不能相禮乃講學之苟能禮者從之及其將死也召其大夫曰

禮人之幹也無禮無以立吾聞將有達者曰孔丘聖人之後也而滅於宋其祖弗父何以有宋而授厲公及正考父佐戴武宣三命茲益共故其鼎銘云一命而僂再命而傴三命而俯循牆而走亦莫余敢侮罔於是鬻於是以餬余口其共也如是臧孫紇有言曰聖人有明德者若不當世其後必有達人今其將在孔丘乎我若獲沒必屬說與何忌於夫子使事之而學禮焉以定其位故孟懿子與南宮敬叔師事仲尼仲尼曰能補過者君子也詩曰君子是則是效孟僖子可則效已矣。○昭七年孔子年十七至昭二十四年孟僖子卒時孔子年三十四矣傳終言之

而史記即載於此年是其疎也

【禮記】孔子少孤不知其墓殯於五父之衢人之見之者皆以爲葬也其慎也蓋殯也問於鄆曼父之母然後得合葬於防。〔史記〕孔子母死乃殯五父之衢蓋其慎也。〔論衡〕孔子生不知其父其母匿之吹律自知殷宋大夫子氏之世也。〔春秋演孔圖〕孔子曰丘

援律吹命陰得羽之宮孔子既得合葬於防曰吾聞之古也墓而不墳今丘也東西南北之人也不可以弗識也於是封之崇四尺孔子先反門人後雨甚至孔子問焉曰爾來何遲也曰防墓崩孔子不應三孔子泫然流涕曰吾聞之古不修墓。○檀弓

【家語】孔子有母之喪。既練。陽貨弔焉。私於孔子曰。今季氏將人饗。境內之士。子聞諸。孔子曰。丘弗聞也。若聞之。雖在衰絰。亦欲與往。陽貨曰。子謂不然乎。季氏饗士。不及子也。陽貨出。曾點問曰。吾子何謂也。孔子曰。已則衰服。猶應其言。示所以不非也。〔史記〕孔子要經。季氏饗士。孔子與往。陽虎細曰。季氏饗士。非敢饗子也。孔子由是退。○史文誣聖。

【禮記】孔子既祥五日。彈琴而不成聲。十日而成笙歌。二名不偏諱。夫子之母名徵。在言在不言。徵言微不言。在弓。○檀弓。

【家語】孔子謂伯魚曰。鯉乎。吾聞可以與人終日不倦者。其惟學焉。其容體不足觀也。其勇力不足憚也。其先祖不足稱也。其族姓不足道也。終而有大名以顯聞四方。聲後裔者。豈非學者之效也。故君子不可以不學。其容不可以不飭。不飭無類。無類失親。失親不忠。不忠失禮。失禮不立。夫遠而有光者。飭也。近而愈明者。學也。譬之汚池。水潦注焉。萑葦生焉。雖或以觀之。孰知其源乎。

【禮記】伯魚之母死。期而猶哭。夫子聞之曰。誰與哭者。門人曰。鯉也。夫子曰。嘻。其甚也。伯魚聞之。遂除之。○檀弓。

【史記】孔子生鯉。字伯魚。伯魚年五十。先孔子死。〔皇覽〕伯魚冢在孔子冢東。與孔子並。大小相望也。

觀周

【史記】魯南宮敬叔言魯君曰。請與孔子適周。魯君與之一乘車。兩馬。一豎子。俱適周。問禮。蓋見老子云。

辭去而老子送之曰。吾聞富貴者送人以財。仁人者送人以言。吾不能富貴。竊仁人之號。送子以言。曰。聰明深察而近於死者。好議人者也。博辯廣大危其身者。發人之惡者也。爲人子者。毋以有己。爲人臣者。毋以有己。孔子自周反于魯。弟子稍益進焉。〔家語〕孔子謂南宮敬叔曰。吾聞老聃博古知今。通禮樂之原。明道德之命。云。孔子聖人之後也。滅於宋。其祖弗父何始有國。而授厲公。及正考父。佐戴武宣。三命茲益恭。故其鼎銘曰。一命而僂。再命而傴。三命而俯。循牆而走。亦莫余敢侮。饁於是。粥於是。以餬其口。其恭儉也若此。臧孫紇有言。聖人之後。若不當世。則必有明君而達者焉。孔子少而好禮。其將在矣。屬臣曰。汝必師之。今孔子將適周。觀先王之遺制。考禮樂之所極。斯大業也。君盍以乘資之。臣請與往。公曰諾。與孔子車一乘。馬二疋。豎子侍御。敬叔與俱。至周。問禮於老聃。訪樂於萇弘。歷郊社之所。考明堂之則。察廟朝之度。於是喟然曰。吾乃今知周公之聖。與周之所以王也。反去。老子送之。曰。吾聞富貴者送人以財。仁者送人以言。吾雖不能富貴。而竊仁者之號。請送子以言乎。凡當今之士。聰明深察而近於死者。好譏議人者也。博辯閎達而危其身者。好發人之惡者也。無以有己。爲人子者。無以惡己。爲人臣者。孔子曰。敬奉教。自周反魯。道彌尊矣。遠方弟子之進蓋三千焉。

【孔叢子】夫子適周。見萇弘。言終退。萇弘語劉文公曰。吾觀孔仲尼。有聖人之表。河目而隆額。黃帝之形貌也。修肱而龜背。長九尺有六寸。成湯之容體也。然言稱先王。躬履謙讓。洽聞強記。博物不窮。抑亦聖人之興者乎。劉子曰。方今周室衰微。而諸侯力爭。孔丘布衣。聖將安施。萇弘曰。堯舜文武之道。或弛而墜。禮樂崩喪。亦正其統紀而已矣。既而夫子聞之。曰。吾豈敢哉。亦好禮樂者也。

【家語】孔子觀乎明堂。覩四門墉。有堯舜之容。桀紂之象。而各有善惡之狀。興廢之誠焉。又有周公相成王。抱之負斧戣。南面以朝諸侯之圖焉。孔子徘徊而望之。謂從者曰。此周之所以盛也。夫明鏡所以察形。往古所以知今。人主不務襲迹於其所以安存。而忽怠所以危亡。是猶未有以異於却步而求及前人也。

豈不惑哉。孔子觀周，遂入太祖后稷之廟，廟堂右階之前有金人焉，三緘其口，而銘其背曰：古之慎言人也。戒之哉！無多言，多言多敗；無多事，多事多患。安樂必戒，無行所悔，勿謂何傷；其禍將長。勿謂何害，其禍將大。勿謂不聞，神將伺人；焰焰不滅，炎炎若何；涓涓不壅，終爲江河；綿綿不絕，或成網羅。毫末不札，將尋斧柯。誠能慎之，福之根也；口是何傷？禍之門也。強梁者不得其死，好勝者必遇其敵，盜憎主人，民怨其上。君子知天下之不可上也，故下之；知衆人之不可先也，故後之。溫恭慎德，使人慕之；執雌持下，人莫踰之。人皆趨彼，我獨守此；人皆或之，我獨不徙。內藏我智，不示人技；我雖尊高，人弗我害。誰能如此？江海雖左，長於百川，以其卑也；天道無親，而能下人。戒之哉！孔子旣讀斯文也，顧謂弟子曰：小子識之，此言實而中情，而信。詩云：戰戰兢兢，如臨深淵，如履薄冰。行身如此，豈以口過患哉！

適齊

【史記】是時也，晉平公淫，六卿擅權，東伐諸侯。楚靈王兵彊，陵轢中國。齊大而近於魯，魯小弱，附於楚，則晉怒，附於晉，則楚來伐，不備於齊。齊師侵魯，魯昭公之二十年，而孔子蓋年三十矣。齊景公與晏嬰來適魯，景公問孔子曰：昔秦穆公國小處辟，其霸何也？對曰：秦國雖小，其志大，處雖辟，行中正，身舉五穀，爵之大夫，起壘繼之中，與語三日，授之以政，以此取之，雖王可也。其霸小矣。景公說，孔子年三十五，而季平子與郕昭伯以鬪雞故，得罪魯昭公，昭公率師擊平子，平子與孟氏、叔孫氏三家共攻昭公，昭公師敗，奔於

齊。齊處昭公乾侯。其後頃之。魯亂。孔子適齊。爲高昭子家臣。欲以通乎景公。與齊太師語樂。聞韶音。學之。三月不知肉味。齊人稱之。〔說苑〕孔子至齊郭門之外。遇一嬰兒。挈一壺。相與俱行。其視精。其心正。其行端。孔子謂御曰。趣驅之。趣驅之。韶音方作。孔子至彼聞韶。三月不知肉味。故樂非獨以自樂也。又以樂人。非獨以自正也。又以正人。大矣哉於此樂者。不圖爲樂至於此。

【孔叢子】孔子適齊。齊景公讓登。夫子降一等。景公三辭。然後登。既坐。曰。夫子降德。辱臨寡人。寡人以爲榮也。而降階以遠。自絕於寡人。寡人未知所以爲罪。孔子答曰。君惠顧外臣。君之賜也。然以匹夫敵國君。非所敢行也。雖君私之。其若義何。

【說苑】孔子與齊景公坐。左右白曰。周使來。言周廟燔。齊景公出問曰。何廟也。孔子曰。是釐王廟也。景公曰。何以知之。孔子曰。詩云。皇皇上帝。其命不忒。天之與人。必報有德。禍亦如之。夫釐王變文武之制。而作玄黃宮室。輿馬奢侈不可振也。故天殃其廟。是以知之。景公曰。天何不殃其身。曰。天以文王之故也。若殃其身。文王之祀。無乃絕乎。故殃其廟。以章其過也。左右入報曰。周釐王廟也。景公大驚。起再拜曰。善哉。聖人之智。豈不大乎。○左傳。魯廟災。孔子在陳。聞之。曰。其桓僖乎。此或卽彼事之訛。

【家語】孔子在齊。齊大旱。春饑。景公問於孔子曰。如之何。孔子曰。凶年則乘鵠馬。力役不興。馳道不修。祈以幣玉。祭祀不懸。祀以下牲。此賢君自貶以救民之禮也。

【史記】景公問政孔子。孔子曰。君君。臣臣。父父。子子。景公曰。善哉。信如君不君。臣不臣。父不父。子不子。雖

有粟。吾豈得而食諸？他日又復問政於孔子。孔子曰：「政在節財。」景公說，將欲以尼谿田封孔子。晏嬰進曰：「夫儒者滑稽而不可軌法，倨傲自順，不可以爲下；崇喪遂哀，破產厚葬，不可以爲俗；游說乞貸，不可以爲國；自大賢之息，周室既衰，禮樂缺有閒。今孔子盛容飾，繁登降之禮，趨詳之節，累世不能殫其學，當年不能究其禮。君欲用之以移齊俗，非所以先細民也。」後景公敬見孔子，不問其禮。異日，景公止孔子曰：「奉子以季氏，吾不能以季孟之間待之。」齊大夫欲害孔子，孔子聞之，景公曰：「吾老矣，弗能用也。」孔子遂行，反乎魯。〔晏子〕仲尼之齊，見景公。景公說之，欲封之以爾稽，以告晏子。晏子對曰：『不可。彼浩裾自順，不可以教下。好樂綏於民，不可使親治，立命而建事，不可守職，厚葬破民，貧國久喪，道衰費日，不可使子民行之。雖者在內，而傳者無其外，故異於服，勉於容，不可以道衆而馴百姓。自大賢之滅，周室之卑也，威儀加多，而民行滋薄，聲樂繁充，而世德滋衰。今孔丘盛聲樂以侈世，飾弦歌鼓舞以聚徒，繁登降之禮，趨詳之節，以觀衆，傳學不可以儀世，勞思不可以補民。兼壽不能殫其教，當年不能究其禮，積財不能贍其樂，繁飾邪術，以營世君，盛爲聲樂，以淫愚其民也。不可以示其教也，不可以導民。今欲封之，以侈齊國之俗，非所以導衆存民也。』公曰：『善。』於是厚其禮而留其敬見，不問其道。孔子適行，景公上路寢，聞哭聲，曰：『吾若聞哭聲，何爲者也？』梁丘據對曰：『魯孔丘之徒，鞠語者也。明於禮樂，審於服喪，其母死，葬埋甚厚，服喪三年，哭泣甚疾。』公曰：『豈不可哉？而色說之？』晏子曰：『古者聖人非不知能繁登降之禮，制規矩之節，行表綴之數，以教民，以爲煩人留日，故制禮不美於便事，非不知能揚于戚鐘鼓竽瑟以勸衆也，以爲費財留工，故制樂不美於和民，非不知能累世殫國以奉死，哭泣處哀以持久也，而不爲者，知其無補死者而深害生者，故不以導民。三者，聖王之所禁也。賢人不用，德毀俗流，故三邪得行於世，是非賢不肖雜，上妄說邪，故好惡不足以導三者，路世之政，單事之教也。公曷爲不察，聲受而色說之？』○此等本墨氏非儒謗聖之言，不宜入晏子書中，而太史公又信之，亦誤矣。

【說苑】孔子見齊景公，景公致廩丘以爲養。孔子辭不受，出謂弟子曰：「吾聞君子當功以受祿，今說景公，景公未之行，而賜我廩丘，其不知丘亦甚矣。」遂辭而行。○據此，益證晏子阻封之非實。

用魯

【史記】孔子貧且賤。及長，嘗爲季氏史，料量平，嘗爲司職吏，而畜蕃息。

【呂氏春秋】季孫氏劫公家，孔子欲諭術，則見外，於是受養而便說。魯國以訾，孔子曰：「龍食乎清而游乎

清，螭食乎清而游乎濁，魚食乎濁而游乎濁。今丘上不及龍，下不若魚，丘其螭邪？」夫欲立功者，豈得中繩

哉？救溺者濡，追逃者趨。【孔叢子】季桓子以粟千鍾餽夫子，夫子受之而不辭，既而以頒門人之無者，子貢進曰：「季孫

惠也。子曰：「然，吾得千鍾，所以受而不辭者，爲季孫之惠，且以爲寵也。夫受人財，不以成富與，季孫之惠於一人，豈若惠數百人哉？」

【史記】桓子嬖臣曰仲梁懷，與陽虎有隙，陽虎欲逐懷，公山不狃止之。其秋，懷益驕，陽虎執懷，桓子怒，陽

虎囚桓子，與盟而醳之。陽虎由此益輕季氏，季氏亦僭於公室，陪臣執國政。是以魯自大夫以下皆僭，

離於正道，故孔子不仕，退而修詩書禮樂，弟子彌衆，至自遠方，莫不受業焉。定公八年，公山不狃不得意

於季氏，因陽虎爲亂，欲廢三桓之適，更立其庶孽。陽虎素所善者，遂執季桓子，桓子詐之得脫。定公九年，

陽虎不勝，奔於齊。是時孔子年五十，公山不狃以費畔，季氏使人召孔子，孔子循道彌久，溫溫無所試，莫

能己用，曰：「蓋周文武起豐鎬而王，今費雖小，儻庶幾乎欲往？」子路不說，止孔子，孔子曰：「夫召我者，豈徒哉？」

如用我，其爲東周乎？然亦卒不行，其後定公以孔子爲中都宰，一年，四方皆則之。由中都宰爲司空，由司

空爲大司寇。○據家語，爲中都宰二年，爲司空，則爲中都宰當在五十以前，文武豐鎬之語，不見孔氏諸書，桓譚亦以爲誣。

【家語】孔子初仕爲中都宰。制爲養生送死之節。長幼異食。強弱異任。男女別塗。路無拾遺。器不雕僞。爲四寸之棺。五寸之槨。因丘陵爲墳。不封不樹。行之一年。而西方之諸侯則焉。定公謂孔子曰。學子此法。以治魯國。何如。孔子對曰。雖天下可乎。何但魯國而已哉。於是二年。定公以爲司空。乃別五土之性。而物各得其所生之宜。咸得厥所。先時季氏葬昭公於墓道之南。孔子溝而合諸墓焉。謂季桓子曰。貶君以彰己罪。非禮也。今合之。所以揜夫子之不臣。由司空爲魯大司空。設法而不用。無姦氏。○諸侯三卿。曰司徒。司馬。司空。魯則三桓世爲之。其司寇不在三卿之數。臧孫嘗爲之矣。且侯國司寇亦不稱大。此云由司空爲司寇。是由卿而大夫矣。進退無據。左傳云。孔子之爲司寇也。溝而合諸墓。此云司空時事。亦誤也。疑孔子爲司空非實。

【韓詩外傳】受命者必以其祖命之。孔子爲魯司寇。命之曰。宋公之子弗甫。有孫魯孔丘。命爾爲司寇。孔子曰。弗甫敦及厥辟。將不堪。公曰。不妄。○命辭古質。

【說苑】孔子爲魯司寇。聽獄必師斷。敦敦然皆立。然後君子進。曰。某子以爲何若。某子以爲何若。某子以爲何若。云云。辯矣。然後君子幾當從某子云云乎。以君子之知。豈必待某子之云云。然後知所以斷獄哉。君子之敬讓也。文辭有可與人共之者。君子不獨有也。（家語）孔子爲魯司寇。斷獄訟。皆進衆議者而問之。曰。子以爲奚若某。以爲何若某。皆曰云云。如是。然後夫子曰。當從某子幾是。春秋繁露。孔子爲魯司寇。斷獄。屯屯與衆。共之不敢自專。是以死者不恨。生者不怨。

【荀子】孔子爲魯司寇。有父子訟者。孔子拘之。三月不別。其父請止。孔子舍之。季孫聞之。不說。曰。是老也欺予。語予曰。爲國家必以孝。今殺一人以戮不孝。又舍之。冉子以告。孔子慨然歎曰。嗚呼。上失之下。殺之。